



Na osnovu člana 18. Poslovnika Centralne izborne komisije Bosne i Hercegovine-prečišćeni tekst («Službeni glasnik BiH», broj 29/18), člana 5. Zakona o zakupu poslovnih zgrada i prostorija («Službeni list RBiH», br. 33/77, 12/87, 30/90 i 3/93), a u vezi sa članom 10. stav (1) tačka e) Zakona o javnim nabavkama («Službeni glasnik BiH», br. 39/14) Centralna izborna komisija Bosne i Hercegovine je na 32. sjednici održanoj 28.06.2018. godine, donijela

O D L U K U o dodjeli ugovora za zakup poslovnog prostora

Član 1.

Na osnovu preporuke i izvještaja Komisije za odabir najpovoljnije ponude broj: 05-1-07-11-470-7 /18 od 25.06.2018. godine o provedenom postupku prikupljanja ponuda za zakup poslovnog prostora putem javnog poziva za potrebe Glavnog centra za brojanje za pripremu i provedbu Općih izbora 2018. godine, dodjeljuje se ugovor ponuđaču KJKP ZOI 84 OLIMPIJSKI CENTAR d.o.o. Sarajevo, koji je ocjenjen kao najpovoljniji u skladu sa kriterijima iz javnog poziva.

Član 2.

- (1) Ukupna površina zakupljenog poslovnog prostora je 1.200,00 m² po cijeni od 14,00 KM/m² sa uračunatim PDV.
- (2) Mjesečna cijena zakupa za poslovni prostor iznosi 16.800,00 KM sa uračunatim PDV, što je za period do tri mjeseca **ukupna cijena** zakupa poslovnog prostora **46. 480,00 KM sa uračunatim PDV.**
- (3) Ukupna cijena zakupa inventara (100 stolova, 200 stolica, 40 zelenih pregrada i jedna klub garnitura) za period do tri mjeseca je 6.000,00 KM.

Član 3.

Ponuđači koji su blagovremeno podnijeli ponude, će se obavijestiti o rezultatima izbora najpovoljnijeg ponuđača iz člana 1. ove odluke, odmah, a najkasnije u roku od sedam dana od dana donošenja odluke.

Član 4.

Nakon dobijanja mišljenja Pravobranilaštva Bosne i Hercegovine u skladu sa članom 13. stav (14) Zakona o pravobranilaštvu Bosne i Hercegovine («Službeni glasnik BiH» br. 8/02, 10/02, 44/04, 102/09 i 47/14), Centralna izborna komisija Bosne i Hercegovine i ponuđač iz člana 1. ove odluke će prema ponudi broj: 1644/18 od 06.06.2018. godine, zaključiti ugovor na zakupni period do tri mjeseca, u skladu sa odredbama člana 567., a u vezi člana 604. Zakona o obligacionim odnosima («Službeni list RBiH», br. 2/92, 13/03 i 13/04).

Član 5.

Ova odluka stupa na snagu danom donošenja.

Broj: 05-1-07-11-470-8 /18
Sarajevo, 28.06.2018. godine



Predsjednica

Dr. Irena Hadžiabdić